

348.1  
P.

JUS  
CANONICUM

UNIVERSUM

COMPLECTENS

TRACTATUM DE REGULIS JURIS

AUCTORE R. P. F. ANACLETO REIFFENSTUEL

ORDINIS MINORUM REFORMATURUM

JUXTA NOVISSIMAM ROMANAM EDITIONEM, INNUMERIS EXPURGATIS MENDIS, RECUSUM;  
Cui nunc primum accedunt variæ Adnotationes pro quarumdam quæstionum uberiori enodatione,  
attenta rerum conditione præsentî digestæ, necnon INDEX GENERALIS copiosissimus

STUDIO ET OPERA

R. D. VICTORIS PELLETIER

Cathedralis Ecclesiæ Aurelianensis canonici capitularis, olim vicarii generalis.

VOLUMEN SEXTUM

TOTIUS LIBRI V DECRETALIUM TITULOS CONTINENS


UNIVERSIDAD DE NUEVO LEON  
Biblioteca Valverde y Tellez



PARISIIS

APUD LUDOVICUM VIVÈS, BIBLIOPOLAM EDITOREM  
13, VIA VULGO DICTA DELAMBRE, 13

MDCCCLXXXIX



85461

PARIS. — IMPRIMERIE EMILE MAUGHAU... AT  
32, BOULEVARD DE VAUGIRARD, 32

BX1965

R 45

V. 6



FONDO EMETERIO  
VALVERDE Y TELLEZ

12128

## ERRATA

- Pag. 186, col. 1, lin. 28, *lege* : Inter se pugna est testatus et intestatus.  
— col. 2, lin. 23, *lege* : Cui plus licet..  
— col. 2, lin. 38, *lege* : Tutelæ negotia gesta (in his quidem et diligentiam), societas et rerum communitio et dolum et culpam recipit : sed hoc ita, nisi si quid nominatim convenit, vel plus vel minus, in singulis contractibus, nam hoc servabitur quod initio convenit; legem enim..  
Pag. 187, col. 2, lin. 22, *lege* : Certus esse debet, cum sit in potestate ejus, quando velit, experiri..  
— col. 2, lin. 54, *lege* : Nec divertisse videtur.  
Pag. 188, col. 1, lin. 2, *lege* : Non præbet actionem.  
— col. 1, lin. 24, *lege* : Non solet in patrem de peculio actio dari.  
— col. 2, lin. 20, *lege* : Quo tutela rediit..  
— col. 2, lin. 26, *lege* : Quis, cum prohiberit, fecit clam,..  
Pag. 189, col. 1, lin. 43, *lege* : Tenetur ex omnibus causis.  
— col. 1, lin. 55, *lege* : Quod ante defertur.  
Pag. 190, col. 1, lin. 53, *lege* : Quia non facit.  
— col. 2, lin. 19, *lege* : Qui libertum acquisierit.  
— col. 2, lin. 49, *lege* : De bonis diminuitur.  
Pag. 191, col. 1, lin. 17, *lege* : Quod ex casu auferri potest.  
— col. 2, lin. 5, *lege* : Aut in vis publicæ aut vis private crimina.  
Pag. 192, col. 1, lin. 24, *lege* : Perducitur.

007387

## DOCUMENTA

SEXTO TOMO EDITIONIS ROMANÆ PRÆFIXA

---

APPROBATIO REVERENDISSIMI ORDINARIATUS. — Imprimatur: Frisingæ 15 junii 1732. J. B. J. de PFISTERN, etc. cathedr. eccl. Frising. can. capit., concil. eccl. vice-præses, et pro-vicarius generalis.

APPROBATIO CENSORIS. — Ex mandato reverendissimi ac illustrissimi etc. in spiritualibus vicarii generalis, *Tractatum de Regulis juris*, etc., a theologis prævie revisum, ac approbatum, debita attentione perlegi; cumque in illo nihil invenerim, quod orthodoxæ fidei, aut bonis moribus adversatur: bene vero ea omnia, quæ in titulo promittuntur, videlicet solidam doctrinæ claritatem, et claram, una eum perspicua, ac accurata tum sacrorum canonum, tum legum civilium allegatione, soliditatem deprehenderim; ideo præsentem *Tractatum* ad adhuc majorem, et immortalem, clarissimi auctoris famam non minus, ac ad permagnum legentium, præprimis in dicasteriis versantium, utilitatem, juris publici ut fiat, dignissimum censeo. Frisingæ 11 junii 1732. — JOAN. JOSEPH. PLACIDUS SEBASTIANUS de MARALT, reverendiss. et seren. principis et episc. Frising. et Ratisbon. consil. eccl. actual. nec non insignis collegiatæ ad D. Andream canonicus capitularis.

LICENTIA ET APPROBATIO ORDINIS. — Fr. Joseph Maria ab Eboræ, ordin. Min. reg. observant. S. P. N. Francisci lector jubilatus, SS. congregationum Visitationis Apostolicæ, et Consistorialis votans Indicis, Indulgentiarum, Reliquiarum, nec non S. et Universalis Inquisitionis consultor, episcop. examinatus, etc., et in hac cismon-tana familia tam observantium, quam reformatorum et disalceatorum commissarius generalis, et servus.

Cum juxta Apostolicas, nostrique ordinis constitutiones per idoneos censores revisum, et approbatum fuerit opus quoddam, cui titulus est: *Tractatus de Regulis juris*, etc., addendum Juri canonico universo, per R. P. Anacletum Reiffenstuel, nostræ reformatæ provinciæ Baviaræ lectorem jubilatum elaborato. Nos præsentium

tenore, cum salutaris obedientiæ merito, R. P. Fr. Thomæ Cantuar. Pruggmair, præfatæ nostræ reformatæ provinciæ Bavariæ ministro provinciali, facultatem concedimus, quatenus, servatis in reliquo servandis, typis illud mandare possit et valeat. Datum Romæ ex Ara-Cœli, die 20 junii 1732. — Fr. JOSEPH MARIA ab EBORA, commissarius generalis ordinis. — De mandato paternitatis suæ reverendissimæ Fr. JOANNES ANTONIUS de TAURINO, secretarius generalis.

FACULTAS ADMODUM REVERENDI PATRIS MINISTRI PROVINCIALIS. — Cum a reverendo Patre Anacleto Reiffenstuel, ord. Min. S. Francisci reformatorum provinciæ Bavariæ lectore jubilato opus quoddam, cui titulus: *Tractatus de Regulis juris, etc.*, sit compositum, a duobus Theologis revisum et approbatum, plurimumque recomdatum, et omnia, quæ de jure in editione librorum sunt servanda, sint observata: tenore præsentium facultatem impertior, ut hoc laudatissimum opus pro utilitate publica typis mandari possit. Actum Monachii 12 julii 1732. — Fr. THOMAS CANTUAR. PRUGGMAIR, ord. Min. S. Franc. ref. lector jubilatus, provinciæ Bavariæ minister provincialis.

CENSURA THEOLOGICA. — *Tractatus præsens de Regulis juris, etc.*, qui solus famosissimo alias Juri canonico universo R. P. Anacleti Reiffenstuel ordinis, ac provinciæ nostræ lectoris jubilati, adhuc defuisse videbatur, a pluribus utriusque juris peritis avidè desideratus, nunc tandem ad commune orbis litterati solatium typis vulgatur; qui sane, sicut ipsummet celeberrimum opus (Jus videlicet Canonicum Universum ab eodem præclarissimo auctore in lucem editum) tam ob doctrinæ soliditatem, quam styli claritatem, nec non perspicuam, captuque facillimam methodum, atque optime ordinatam materiarum divisionem publicum per omnia meretur præconium. Textus efficaces, ex ipso fonte juris canonici ac civilis copiose desumpti, et repetito de industria revisi, fidelissime in eodem allegantur: regulæ ipsæ per plures casus canonico-civiles summe proficue magis explanantur: fallentiæ potiores, et in praxi frequentiores solerter adducuntur: neque objectiones, si quæ occurrunt notabiliores, una cum fundata earum solutione, ullatenus dissimulantur; ut proin firmiter nobis persuadeamus, expectationi atque spei de tanto viro conceptæ, ex integro ac plenissime esse satisfactum. Et quoniam cæteroque in toto hoc Tractatu fideli, aut bonis moribus prorsus nil contrarium reperitur, eundem, uti luce publica dignissimum, ita legentibus utilissimum fore censemus. Datum Monachii die 4 junii 1732. — Fr. BRUNO MÆSSENHAUSER, lector generalis, et provinciæ diffinitor. Fr. MASSÆUS KRESSLINGER, iterato ex-provincialis, et SS theolog. ac SS. canonum lector jubilatus.

DIE 7 NOVEMBRIS 1831. — REIMPRIMATUR. — Fr. DOMINICUS BUTTAONI ord. Præd. mag. S. Pal. soc. — REIMPRIMATUR. — JOSEPHUS DELLA PORTA Patriar. Constantinop. Vicesg.

# JURIS CANONICI

UNIVERSI

CLARA METHODO JUXTA TITULOS

## QUINQUE LIBRORUM DECRETALIUM

In Quæstiones distributi solidisque Responsionibus  
et objectionum Solutionibus dilucidati

LIBER QUINTUS.

### PRÆFATIO.

Postquam in secundo libro Decretalium de ordine judiciario in causis civilibus observando, et in tertio ac quarto de materia, seu rebus tum clericorum, tum laicorum, quæ in judicium ecclesiasticum civile deducuntur, tractatum fuit: pergit compiler Juris Canonici hoc quinto libro Decretalium ad discutienda ea, quæ in judicium ecclesiasticum criminale veniunt. Differt autem hoc judicium a civili: quia in civili non agitur super crimine, sed super re aliqua vel jure debito; vel si quidem agatur super crimine, non tamen ad vindictam publicam, sed ad interesse privatum. Judicium vero criminale est, quando agitur super crimine ad publicam vindictam; id est, eo fine, ut reus criminis publice, seu juridice puniatur. De hoc igitur judicio criminali, quantum attinet ad forum ecclesiasticum, ex professo tractat liber quintus Decretalium; in quo imprimis toto titulo primo docetur, qua ratione actiones criminales sint instituendæ: dein agitur de variis delictis, quæ ad forum ecclesiasticum deduci, ibique dijudicari, et puniri debent: tandem etiam sequitur de

pœnis ecclesiasticis, atque censuris in criminosos statutis. Et horum quidem notitia adeo scitu est necessaria, ut plura eorum etiam theologia a jure canonico mutuet: nos vero principaliora Deo favente discutimus.

### TITULUS I.

De accusationibus, inquisitionibus  
et denuntiationibus.

1. *Objectum tituli præsentis.* — Præsens titulus tractat de ordine seu tela judiciaria criminali, ponendo ea, quæ sunt propria sive in judicio criminali; nam reliqua, quæ hoc judicium cum civili habet communia, ex secundo Decretalium libro desumenda sunt. Cæterum materia præsentis tituli est copiosissima, quam nonnulli in integris tomis declarant: nos præcipua, et ad forum ecclesiasticum magis spectantia, sequentibus paragraphis explicabimus.